

հարեղայ, որ ամէն օր անխափան ամենայն
 եկեղեցիս ժամ կ'առնեն. երկու վարդապետ,
 իրեք եպիսկոպոս, լաւ վարպետ մի ժամա-
 45 սաց: Ունէր խարիճիք, որ ցորեկն նստէին եւ
 գիշերն փակէին, բանալին Պարոնտէրի տային.
 Էթմէքէիք, աշէիք, ջաղցպանք, եազրճիք,
 մոմճիք, երկու քիլարչի, մտպախչի, թէր-
 գիք, սսկէրիչ, թէսպէհչիք, տնտեսք՝ մինն
 50 գինոյն վրայ եւ մին կերակրոյն: Ունէր եւ ժո-
 Ղովարարք՝ կարգաւորք եւ աշխարհականք,
 զորս առաքէր օտար քաղաքսն Հայոց. երկու
 լուսարար, վեց թարճիման: Զոր անխափան
 կատարէր ժամակարգութիւն, սաղմոս եւ
 55 երգ եւ պատարագ. զի ամէն օր մէջ գիշերի
 յառնէին եւ այնպէս տքնութեամբ հսկէին յե-
 րեկոյէ մինչեւ ի լոյս. ամէն օր ութ կանոն՝
 ամենայն քահանայ. եւ բոլոր տարին չորա-
 պաք. երկու օրն անգամ մի ճաշակէին եւ զայն
 60 բանջար կամ լոկ թարխանայ. իսկ շաբաթ եւ
 կիրակէն պանիր, մածուն, ձու, զէյթուն,
 երբեմն եւ ձուկ: Եւ զգեստնոցա շալ:

Եւ զամէն ուխտաւորս Պարոնտէրն իրեք
 օր պիտոր կերակրէ, թէեւ հազար հոգի է:
 65 Եւ տան առաջի օրն երկու-երկու կերոն ուխ-
 տաւորաց՝ մինն սուրբ Յակոբ թողուս եւ մին
 Յարութիւնն տանիս. եւ ատաթ է որ առած
 օրն պիտի տայ: Ամէն մարդ հալին կորայ մի
 զուռուչ կամ երկու, այլք երկու-իրեք ալ կու
 70 տան: Եւ յետ իրեք աւուր դարպսի հախ ժո-